

সারাদেশ

কুষ্টিয়ায় বালুবাহী ট্রলি পদ্মায়, এক শিশু নিখোঁজ

প্রতিবেদক: কুষ্টিয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



কুষ্টিয়ার কুমারখালীতে বালু বোঝাই একটি ট্রলি পদ্মা নদীতে উল্টে পড়ে এক শিশু নিখোঁজ হয়েছে। এ ঘটনায় ট্রলিতে থাকা অপর তিন শিশুকে জীবিত উদ্ধার করা হয়েছে।

শুক্রবার (১৪ আগস্ট) সকাল ১১টার দিকে উপজেলার শিলাইদহ ইউনিয়নের শিলাইদহ ঘাটসংলগ্ন কসবা মৌজার ঘাটপাড়া এলাকায় এ দুর্ঘটনা ঘটে।

নিখোঁজ শিশুটির নাম মো. আলিফ (৮)। সে শিলাইদহ ইউনিয়নের কসবা এলাকার মনসুর প্রামাণিকের ছেলে।

ফায়ার সার্ভিস ও স্থানীয় সূত্রে জানা গেছে, সকালে শিলাইদহ ব্লক এলাকা থেকে খেলতে খেলতে বালু বোঝাই একটি ট্রলিতে উঠে পড়ে চার শিশু—আব্দুল আহাদ, জিহাদ, ওমর ফারুক ও আলিফ। ট্রলিটি শিলাইদহ ঘাটের দিকে যাওয়ার সময় অপ্রশস্ত সড়কে একটি মোটরসাইকেলকে পাশ কাটিয়ে যেতে গিয়ে নিয়ন্ত্রণ হারিয়ে পদ্মা নদীতে পড়ে যায়।

এ সময় ট্রলিচালক সাঁতরে তীরে উঠে আসেন। দুর্ঘটনার পর স্থানীয়রা দ্রুত নদীতে নেমে তিন শিশুকে জীবিত উদ্ধার করেন। তবে আলিফের

কোনো সন্ধান পাওয়া যায়নি।

খবর পেয়ে বেলা সোয়া ১১টার দিকে কুমারখালী ফায়ার সার্ভিস ও সিভিল ডিফেন্সের সদস্যরা ঘটনাস্থলে পৌঁছে উদ্ধার অভিযান শুরু করেন। স্থানীয়দের সহযোগিতায় নদী থেকে ট্রলিটিও উদ্ধার করা হয়েছে। তবে নিখোঁজ শিশুটিকে উদ্ধার করা সম্ভব হয়নি।


কুমারখালী ফায়ার সার্ভিস ও সিভিল ডিফেন্সের স্টেশন ইনচার্জ নাসির উদ্দিন বলেন, খবর পাওয়ার পরপরই উদ্ধার অভিযান শুরু করা হয়। স্থানীয়দের সহযোগিতায় তিন শিশুকে জীবিত উদ্ধার করা হয়েছে। একজন এখনো নিখোঁজ রয়েছে। খুলনা থেকে ডুবুরি দল ঘটনাস্থলে এসে উদ্ধার অভিযান শুরু করেছে।

নিখোঁজ আলিফকে উদ্ধারে অভিযান অব্যাহত রয়েছে।

এ বিভাগের আরও খবর



সমঝোতার পর বিকল্প ভেন্যুতে ব্রাহ্মণবাড়িয়া সরকারি কলেজের নবীনবরণ কনসার্ট আয়োজিত
ত্রিগমি ছাত্র ঐক্য পরিষদের সঙ্গে 'সমঝোতার' পর বিকল্প ভেন্যুতে আয়োজিত হয়েছে ব্রাহ্মণবাড়িয়া সরকারি কলেজের নবীনবরণ কনসার্ট। আজ (সোমবার, ১৪ সেপ্টেম্বর...)



নীলফামারীতে অধিযানকৃত ট্রাকে পরিত্যক্ত কারাগারের সরকারি মালামাল পাচারের চেষ্টা
নীলফামারী শহরের পরিত্যক্ত পুরাতন কারাগারের ইট, গোহা ও কাঠসহ মূল্যবান সরকারি সম্পদ চুরির অভিযোগ নিয়ে চাক্ষুষ সূত্রি হয়েছে। সরকারী কোনোপ্রকার...



সাতক্ষীরায় পুকুরে ডুবে ২ শিশুর মর্মান্তিক মৃত্যু

সাতক্ষীরায় পুকুরে গোসল করতে গিয়ে পানিতে ডুবে দুই শিশুর মৃত্যু হয়েছে। সোমবার (১৪ সেপ্টেম্বর) দুপুরে সাতক্ষীরা পৌর শহরের বাটকেখালি এলাকায় গফুর...



ফোন না ধরায় টিকিট কাউন্টারে গিয়ে মারধরের অভিযোগ যুবদল নেতার বিরুদ্ধে

ব্রাহ্মণবাড়িয়া রেলওয়ে স্টেশনে তিতাস কমিউটার ট্রেনের টিকিট কাউন্টারে ঢুকে কর্মীদের মারধরের অভিযোগ উঠেছে এক যুবদল নেতার বিরুদ্ধে। মঙ্গলবার বেলা...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/kushtiyay-balubahi-trli-pdmay-ek-shishu-nikhonj>